

宋

會

要

全唐文

宋會要 關

行慶關

河陽汜水縣舊關曰虎牢祥符四年三月戊戌真宗西  
巡至虎牢關改行慶關慶歷四年五月己丑省汜水縣  
為行慶關隸河南府

平安關

京西房州房陵縣有平安關咸平五年置

東西關

玉京關

綏遠關

鞏哥關

安鄉關

全唐文

宋會要

慶歷二年正月二十七日秦州築東西關成初守臣韓琦以州之東西民居軍營皆附城因請築外城凡一十里自元年十月起至是成計工三百萬

玉京關在會州元符三年置

綏遠關在會州崇寧三年以省章峽改

鞏哥關在蘭州元豐四年置六年改東關堡

安鄉關在會州元符三年置

全唐文

宋會要

關襍錄

太宗太平興國八年二月十日詔曰近戎人歲貢馬所  
過州縣多私市女口出邊關自今謹捕之敢以女口私  
市與賊人者棄市吏知而不以聞者論如法 真宗咸  
平五年三月涇原路總管郭自明言請儀州制勝關戍  
兵命使臣一人充寨主從之 大中祥符九年正月詔  
在京新城門每<sup>軍</sup>員赴起居日委監門使臣躬<sup>親</sup>監轄開  
閉未明前不得搭關龍鎖恣縱開閉透漏姦詐及商稅  
物色違者並科違制之罪 舊制新城門至曉方開開  
封府言近日新城門每五鼓請到鑰匙開鎖訖惟搭關

俟曉竊慮透漏姦詐故降是詔焉

仁宗天聖四年四

月詔許在京諸色人取便般載諸般斛斛出城門如將  
來京中要用斛斛即令本府旋具條約申奏 先是淳  
化四年三月詔不許客人販賣斛斛出門至是從開封  
府言也 六年九月上封者言西川往來商旅有公平  
者則由劔門經過無者並自閬州往來蓋自利州入閬  
州由葭萌寨並有私路入川乞令葭萌寨依劔州置關  
委本寨使臣驗認公憑放令往來從之 七年閏二月  
詔劔門駐泊司自今後文武官使臣幕職州縣官等將  
帶人口器械出入川峽並仰取索元給樞密院公憑照  
驗如無夾帶異同仰於公憑內書鑒經過年月日時即

付本人方許放過不得因此邀難注滯如有冒名夾帶者具職位姓名以聞十一月詔在京新城諸門今後每月日請到鑰匙並仰監門使臣收掌候至平明開訖方得送納其軍員赴朝兵士工役當早開處依舊慶厯元年八月十九日詔毀潼關樓櫓先是參知政事宋庠建議以備西賊至是王堯臣使陝西還言潼關設備則關中人心不安請毀之二年正月二十七日秦州言築東西關成賜總役官吏帛有差初知州韓琦以為北之東西民居及軍營僅萬餘家皆附城而居無所捍蔽因請築外城凡一十里計工三百萬自十月起至是成之六年十月二十三日詔三司北舉選人監在京新

城門如聞所舉多權富干請之人無益於事其罷之  
神宗熙寧七年正月一日詔定諸關門并黃河橋渡常  
切辨察奸詐及禁物軍人公人經過取索公文券歷驗  
認印官員涉疑慮者亦許取索文字驗其夜過州縣鎮  
寨并關門橋渡者如已鎖門唯軍期及事干急速即隨  
處那官審問聽開九年六月十六日詔在京舊城諸門  
并汴河岸角門並令三更一點開五更一點開元豐  
七年正月二十五日成都府利州路鈐轄司言臣僚所  
乞移蕃驛於玉壘關本司相度欲移永康軍牛溪關依  
舊於蠶崖關置城寨不須移置蕃驛詔移牛溪關事送  
尚書省哲宗元祐六年八月二十三日詔以隰州為

次邊以本州言所隸上平永寧兩關俯逼西界經久備禦不可緩故也 紹聖四年四月十一日樞密院言熙

河進築金城關畢工詔王反郁除正任觀察使賜銀絹各五百疋兩鍾傳轉兩官除直龍圖閣充熙河蘭岷路經畧安撫判官張詢除直秘閣權陝府西路都轉運使仍比修安西城加一陪支賜王瞻轉遥郡防禦使更減四年磨勘回授予有官者康謂轉一官各陞一等差遣賜銀絹一百疋兩將佐等令經畧司具功狀以聞詔京城關名仍舊及差王亨為關使置監押二員以鍾傳有請也 六月七日詔賜蘭州增展金城關入役廂禁軍弓箭手蕃兵民特支有差 九月四日熙河蘭岷路經



畧司言苗履展築金城關畢工詔賜履等銀絹有差  
徽宗建中靖國元年九月五日京東路轉運副使曾孝  
序奏汜水行慶關元豐中弛去關禁昨因臣僚申請復  
禁如初契勘行慶關在兩京心腹之間左臨洛堤右挾  
大道非如潼關劔門之險今軍人遇有出入若未從私  
越度關徒刑科罪顯於用法未安欲乞復元豐舊法弛  
去關禁從之 政和元年四月二十一日臣僚上言關  
防之禁昔年經由汜水潼關機察甚嚴既抄錄官員職  
位又取券牒逐一檢認軍兵今緣幹關陝所至關津未  
有過而問者昔者以關禁之嚴戍兵無逃竄之路今則  
相携而去畧無留礙故諸兵卒皆動歸心伏望申嚴關

防之禁汜水潼關兩處關津咸陽河中陝府三處浮橋  
檢察之法並遵元豐舊制仍責委提刑司及知通點檢  
違慢之人按劾庶幾不生成卒逃竄之心又可斷絕姦  
細度越之弊尚書省檢會熙寧元符敕令諸關門并黃  
河橋渡常切辨察姦詐及禁物軍人公人經過取索公  
文券歷驗認印官員涉疑慮者亦許取索文字看驗其  
夜過州縣鎮寨并關門橋渡者如已鎖門唯軍期及事  
干急速即隨處那官審問聽開元豐令諸黃河橋渡常  
辨察姦詐及禁物若諸軍或公人經過並取公文券歷  
驗認官員或疑慮者亦仰京西陝西提刑司嚴切從之

高宗建炎元年七月二十三日詔訪聞汧關津等處

有妄稱官中拘截私船之人邀阻往來客船乞覓錢物  
多致遲留趕赴宿程不及因而遇盜仰合屬官司嚴切  
覺察緝捕赴獄申取朝廷指揮 紹興元年六月十二  
日臣僚言通者潰兵數百不知所從直入禹跡寺安泊  
闔城震駭關禁不嚴未有如此變生不測何難之有乞  
戒飭越州及選差使臣甲士於諸門嚴行機察詔令越  
州相度將緊要門關添差兵級作二十人閑慢處十五  
人仍選精強使臣總轄機察姦細軍人驗認券引官員  
親書職位姓名出入緣故即不許乘時沮遏商旅應赴  
行在軍馬令城外屯泊監官申取朝廷指揮放入諸門  
其禹跡寺軍兵經由門關使臣並持衝替 八年三月

十三日新權發遣夔州馮康國奏夔路係川蜀後門大  
寧開達一帶路接京西止仰閣寨險隘緣關外寧靜隘  
寨頽壞久不修整遂為商賈負販之路乞添差路分都  
監一員同見在兵官專一提點修治關隘簡練義兵將  
廂禁軍揀閱強壯事藝之人結入帥司將分準備防秋  
使喚從之 淳熙元年正月九日淮南運判吳淵言淮  
西路地名昭關陡峴關石湖關東西關冷水嶺北峽關  
自和州無為軍廬州至舒州一帶共有關隘六處中連  
焦湖皆是捍蔽形勢之地今相度每置關隘去處左右  
各以十里為界并關之外並禁採伐關之內只禁二里  
若有民戶已產權免合給稅物如此可以待其茂盛障

藏險阨從之 十年四月七日鄂州都統岳建壽言信陽之間有三關曰九里關大寨嶺行者坡自三關北距信陽一百三十餘里別無限隔欲措置關修築二百餘步關門樓櫓色色俱備乞下德安府明立罪賞將三關一帶林木禁止採斫上曰三關不必修築若一帶林木可禁無得採斫 十二年四月九日江州駐紮御前諸軍副都統制趙永寧言乞蓋蘄黃州白沙嶺關一座合用竹木乞下光黃二州委官於附近處踏逐採拔和買合用諸雜物料本司自行應辦所有工役人乞日支添破錢米乞賜指揮詔依其錢米令尚書省科降 嘉泰四年四月二十二日知永康軍李璮言備邊之要莫踰

於設險秦漢植榆為寨限隔匈奴本朝作塘淀於河北  
實扞戎馬侵軼塘淀所不及處即築近邊斬伐林箐使  
溪隧斷絕無從入寇祥符末真宗嘗出北面榆柳園以  
示輔臣數踰三百萬曰此可以代鹿角也韓琦帥定州  
又請州界以北去虜境六七十里一概禁止採斫蓋自  
昔所以待戎狄者亦不專恃城池兵甲之勝也至於西  
南徼外蠻夷部族繁夥故尤嚴禁止條約景德四年有  
詔戒並邊居民不得擅斫木開道與人交爭蓋其地形  
必與夷種相錯廣袤綿延動數千里築城戍兵豈能盡  
防獨有養其林木使之增長蕃茂幽晦杳冥隔離天日  
毒蛇猛獸窟宅其間彼雖非人詎敢抵冒送死此誠守

邊之要策照會臣所領軍治西出玉壘至蠶崖關即係  
威茂州境其戍城草子寨廣濟鄉一帶尤緊接夷界周  
回縱廣控制甚遠其間皆層巒複嶺長林大壑草木蒼  
鬱磴坂深阻治平初呂大防知青城縣日尤用意檢察  
凡管下岡嶺特置簿抄上四至仍卓立封堠鑿石為界  
嚴戢官私樵採用以限隔蕃蠻扞蔽川蜀亦嘗申獲聖  
旨行下自後都鈐轄司每歲春秋兩季必委本軍通判  
巡視點檢并責附近官山人戶結為保甲更相覺察重  
立罪賞具載令甲故百年之間疆毳醜類弭耳厥角各  
安巢穴不敢萌窺伺之意惟近年以來此禁浸弛無知  
之民惟利是趨侵尋翦伐畧無忌憚竊緣禁山之下即

是阜江可以直至成都其勢甚順獲利為多是致官司指為出產所在公私並緣肆行採斫夏秋漲水之際結為棹棧蔽江而下經過津岸殆無虛月向之茂密今已呈露向之險阻今可通行又有工徒之斤斧商賈之負販樵牧之薪芻往往蹊徑於其間狼子野心豈可長保若不嚴行禁戢誠恐以致藩籬淺薄無所限制異時必為西南大憂臣竊謂四蜀沿邊州郡隨處皆有禁山惟永康禁山利害尤且如廬叙州嘉定府雅州諸處去成都差遠脫有透漏緩急向可枝梧惟永康至成都止一日之程坦途方軌別無險要防限去處是故管下禁山封禁遮障比他處尤宜嚴密臣竊思之山以禁名而終



莫能禁者一江實為之累也若於上流特置聯鎖以杜絕津載則彌亘連袤之木不容順流而下故禁江尤切於禁山欲望聖慈特下有司申嚴條約必行賞罰仍許令本軍於牛谿蠶崖關兩處江步隨宜剗置鐵鑲關截水衝使津載路絕人無覬覦則各斤之聲不禁自止庶幾邊關永遠可保寧謐不致上貽陛下顧憂全蜀幸甚從之 嘉定元年八月六日權發遣茂州楊思成言本州雖宗關鎮羌寨本因威策溪蕃部最為彊悍而維宗之險不可不據遂夾溪對築關寨以據勝勢然溪無尋丈之廣而關寨呼應相聞乃聚五兵官於其間寨有知寨又有都監關有知關又有同知關不幾於冗長而無

名乎關禁雖職在防遏其實不過機察往來而已一官  
辦之有餘何至於用兩員且州有教授司戶各一員因  
制司經畫咸茂兩州歲計遂省罷教授員闕見今在州  
文吏止有司戶一員倉庫獄訟叢於厥身雖有精力亦  
恐不逮乞併省同知闕而添置推判官一員與司戶分  
領職事兩員之中若有出身或曾發解或素有文學者  
即令攝教授之職如此則武臣無冗濫之患州郡得寮  
佐之助士子有教養之益是一舉而三得也從之  
十五年九月十二日樞密院言京湖制置司申勘會本司  
昨申請以棗陽地當衝要陞建軍名為郡而割德安之  
應山縣以益隨州此皆事理所宜實為允當然自應山

之隸於隨也而三關之險莫有專其責者比雖令應山  
羅山兩邑分認經理而縣令事權至輕隨與信陽又以  
利害不切於已往往未嘗過問蓋隨在三關之西三百  
里信陽在三關之外亦不下百餘里關屬隨州而地屬  
信陽緩急實不相關該職護風寒所名繫念竊謂三關  
為德安府後門所以障蔽安沔考之地形揆之事勢當  
隸德安始為順令應山之為邑橫截乎德安信陽之間  
遂使三關隔在應山之外而德安無由干預况信陽見  
屬<sup>湖</sup>河北亦為應山所隔契勘三關地形寔在應山之北  
北而南接安陸雲夢之境今只乞以應山東偏直抵三  
關并大小送過嶺<sup>大送過嶺今改為南當關</sup>之地隸於安陸而以安

陸之西偏直抵隨州之地以與應山其疆域之廣狹民  
戶之衆寡畧視其舊而互居焉縣無徙治官增員而三  
關屬於安陸則三關責在德安脉絡貫通亦得不至隔  
絕天契勘三關襄屬應山然其間如鳳現一關去城一  
百二十里武陽關亦九十里已覺地理迢遞今割以屬  
安陸即其地並遷關下村落居民繁夥亦為盜賊出沒  
之所欲於三關倣瞿塘關體例置關使一員以德安府  
安陸縣三關使專一點檢三關一帶關隘兼煙火公事  
繫銜注右選之有舉主已經親民者使之往來巡視機  
察而本府守倅各帶提督三關并令人銜遇有合修整  
區處即申本府施行其三關及南<sub>當</sub>關以南并關北元

係禁山之地昔屬信陽者今合盡屬德安府安陸縣所  
管信陽信陽軍卻無干預所貴事有專責悠久不廢詔  
依京湖制置司申到事理施行其關使以德安府安陸  
縣三關一帶關隘空隙道路兼煙火公事繫銜令樞密  
院使關於大使臣選有舉主無過犯曾經關陞親民任  
使之人充以二年為任先權令京湖制置司選辟一次  
具遵稟狀申樞密使

宋會要

楊州江都縣宜陵鎮熙寧五年 廣陵縣來謀泰興縣棠墟鎮舊隸泰州  
紹興二十九年來謀泰州永城縣隸安鎮天聖元年廢磨山縣置宿州重  
壁鎮元祐元年改為縣七月復為鎮七年復為縣置舊為零陵和七年改  
零為靈虹縣子隱鎮元祐二年以子山年置紹興九年改隸泗州楚州連  
水縣金城鎮淳化元年置淮陰縣十八里河鎮熙寧十年自泗州臨淮縣  
來隸吳城鎮舊吳城縣紹興三年廢為鎮泰州海寧縣海安鎮天聖元年  
置泗州臨淮縣徐城鎮隆興二年廢縣置西路壽州六安縣霍山鎮開寶  
元年廢縣置无州同始縣商城鎮本殷城縣建隆元年廢為鎮无山縣加  
祿鎮景德元年置後廢褒信鎮舊堡信縣紹興五年廢為鎮徐州清源縣  
未安鎮乾道九年閏正月三十日廢縣為鎮常州武進縣萬歲鎮大觀中  
改名阜通鎮紹興元年復

宋會要

大名府市鎮

大名府羊縣馬橋鎮在縣北四十里因河水衝注開寶元年移於舊鎮冠  
氏縣博寧鎮太平興國五年置桑橋鎮置和元年修復清水鎮熙寧二年  
修復臨清縣永濟鎮五年廢縣置隸館陶尋隸臨清縣元成縣大名鎮城

安縣洹水鎮宗城縣經城鎮並六年廢縣置清平鎮至和三年復西洛真  
定府獲鹿縣石邑鎮開寶六年廢縣置真定縣市鎮太平興國四年置  
熙寧八年廢并涇鎮熙寧六年廢縣置行唐縣靈壽鎮八年廢縣置相州臨  
漳縣鄆鎮熙寧五年廢縣置安陽縣永和鎮舊永定鎮天聖七年改永和  
熙寧六年廢縣為鎮邢州南和縣任鎮熙寧五年廢縣置內丘縣光山鎮  
鉅鹿縣平鄉鎮並六年廢縣置陳州河內縣武德鎮武涉縣修武鎮並熙  
寧六年廢縣置衛州黎陽縣衛鎮汲縣新鄉鎮並熙寧六年廢縣置汲州  
雖澤縣曲周鎮熙寧三年廢縣置元祐二年復為縣九年復為鎮永年縣  
臨洛鎮六年廢縣置元祐二年復為縣九年廢縣復為臨洛鎮洛水鎮崇  
寧二年廢磁州滏陽縣昭德鎮舊昭義縣太平興國元年改昭德熙寧六  
年廢為鎮和州古城縣深澤鎮熙寧六年廢縣置趙州高邑縣柏鄉鎮熙  
寧五年廢縣置贊皇鎮六年廢縣置臨城縣隆平鎮舊昭慶縣開寶五年  
改隆平熙寧六年廢為鎮順安軍高陽鎮熙寧六年廢縣置十年復為縣  
永寧軍博野縣新橋鎮皇祐一年置中山府龍泉鎮大觀中改為靈泉鎮  
紹興元年依舊

東京路青州博興縣淳化鎮淳化五年置博昌鎮景祐二年置干桑縣  
清河鎮皇祐一年置齊州臨邑縣福壽鎮臨邑鎮並建隆元年置後廢回  
河鎮曲提鎮仁風鎮並景祐二年置長清縣豐齊鎮建隆三年置後廢齊  
河鎮景祐二年置禹城縣安仁鎮並道二年廢商家橋鎮開寶元年置後  
廢劉宏鎮二年置張家垵鎮固河鎮並二年置後廢孫狀鎮二年置新市  
鎮三年置樂口鎮三年置後廢安平鎮景祐三年廢曆四年置歷城鎮並  
牆鎮並廢曆四年置沂州永縣蘭陵鎮景祐三年置沂水縣蘇村鎮大中  
祥符元年置天聖二年廢淄州鄒平縣淄鄉鎮廢曆五年置密州日照鎮  
元祐二年置濟南府龍山鎮舊盤石鎮並興三年廢西路袁州奉符縣靜  
封鎮太平興國三年置太平鎮迴鑾鎮並大中祥符九年置德源縣鄒鎮  
熙寧五年廢後置徐州沛縣留城鎮廢曆七年置鄆州東阿縣利仁鎮太  
平興國五年置後廢平陰縣寧鄉鎮並道年置景德鎮景祐二年置翔鸞  
鎮迎鸞鎮並大中祥符元年置壽張縣竹口鎮天聖三年置陽穀縣安樂  
鎮元祐元年置後廢郛州武城縣成武鎮端拱中置後廢魚臺縣黃陵鎮淳  
化四年置濮州雷澤縣徐村鎮治平二年置鄆州城縣臨黃鎮熙寧四年置  
河北路東路澶州青豐縣舊州鎮熙寧六年自頃立縣來隸熙寧五年以



澧州改為開德府武鄉鎮政和三年以武鄉城改項立鎮三年廢縣置澧  
州樂陵縣咸平鎮咸平六年改荏村為咸平鎮熙寧二年廢楊華口鎮熙  
寧三年置會津鎮三年以楊華鎮改朱堪鎮六年徙車穀驛店東西保安  
鎮七年置南皮縣定津鎮咸平四年置大中祥符廢樂延鎮熙寧五年徙  
齊家壩臨津鎮六年廢縣置清池縣趙觀鎮慶曆八年置饒安鎮熙寧五  
年廢縣置無 縣無 鎮治平元年置分水鎮政和三年以劇口鎮改河  
曲鎮三年以字家彎鎮改塩山縣韋家莊鎮景祐四年置海豐鎮三年以  
韋家莊鎮改海豐鎮三年以第四甲鎮改吳州南宮縣堂陽鎮皇祐四年  
廢縣置新河鎮嘉祐元年以鎮為縣熙寧元年復信都縣韋驪鎮元年廢  
縣置十年復為縣武邑鎮十年後為縣移縣樂城鎮政和三年以王貫鎮  
改安平鎮三年以李廣鎮改東強縣廣川鎮二年以楊家鎮改瀛州河間  
縣宋城鎮樂壽縣景城鎮並熙寧六年廢縣置博州堂邑縣回河鎮皇祐  
四年置聊城縣武水鎮政和三年以沙家鎮改高唐縣齊城鎮三年以新  
利鎮改寧城鎮三年以南利鎮改 州獻次縣清河鎮政和三年以七里  
渡鎮改商河縣寬河鎮大中祥符元年因水徙近西官口鎮三年以又鎮  
改陽信縣西界鎮景祐五年徙縣東三十里置莫州任丘縣清豐鎮熙寧

六年廢縣置長豐鎮熙寧六年廢縣置英鎮六年廢縣置隸河間縣元祐  
二年復為縣尋復為鎮恩州清河縣甘陵鎮建隆二年移于政清陽店開  
寶四年修德州安德縣平鎮熙寧六年廢縣置平原縣安德鎮政和三年  
以藥家鎮改濟州鄆城縣蒲臺鎮大中祥符五年廢縣置招安鎮熙寧六  
年廢縣置元豐二年復為縣安平鎮政和三年以新安鎮改安定鎮三年  
以舊安定鎮改永和鎮三年以永興鎮改豐國鎮三年以丁家河鎮改  
合波鎮三年以三沙鎮改濱海鎮三年以李剛鎮改招安縣永阜鎮三年  
以馬家莊鎮改永靜軍將陵縣安陵縣祐二年廢縣置阜城鎮熙寧十年  
復為縣乾寧軍乾寧鎮熙寧六年廢縣置

宋會要河東路市鎮

河東路晉州襄武縣和川鎮舊沁州和川縣太平興國五年來隸熙寧五  
年廢為鎮洪洞縣趙城鎮五年廢縣置麟州新泰縣唐龍鎮太平興國四  
年自府州來隸絳州稷山縣寧山鎮熙寧五年廢慈州縣置代州五臺縣  
石甯鎮大中祥符九年置興善鎮景祐三年置隰州吉鄉縣文城鎮熙寧  
五年廢慈州縣置汾州介休縣孝義鎮熙寧五年廢縣置成勝軍綿州縣  
錦上鎮寶元二年自大通縣來隸武鄉縣榆社鎮熙寧七年廢遠州遠川

縣置元豐八年遷隸遠州平定軍遠山縣平城鎮和順鎮並熙寧七年廢  
遠州縣置元豐八年復隸遠州

宋會要 宋開封府市鎮

東京開封府宋明縣宋明鎮並熙寧四年置封丘縣潘鎮天聖七年置陳留  
縣屯固鎮天禧二年改七固店為鎮河口鎮皇祐三年置襄邑縣崇化鎮  
明道二年置繁驛鎮熙寧二年罷白馬縣靈河鎮二年廢滑州以縣為鎮

管城縣榮陽鎮 榮澤鎮 陽武縣原武鎮並五年廢鄭州以縣為鎮西

京河南府長水縣土壕鎮太平興國六年置永安縣永安鎮景德九年置

後陞為縣澠池縣延禧鎮舊石缺門七中祥符四年改登封縣潁陽鎮慶

曆三年廢縣置四年復為縣熙寧五年復廢為鎮偃師縣緱氏鎮慶曆三

年廢縣置四年復為縣熙寧八年復為鎮洛陽縣洛陽鎮五年廢縣置伊

陽縣伊闕鎮 新安縣福昌鎮並熙寧五年廢縣置龍門鎮舊洛陽縣

興元年改北路許州臨潁縣繁城鎮並通三年置長社縣樞潤鎮天聖十

年置許田鎮熙寧四年廢縣置舞陽縣孟寨鎮咸平九年置北舞鎮五年

二十置孟州河陽縣汜水鎮熙寧五年廢縣置陳州商水縣南頓鎮熙寧

六年廢縣置汝州魯山縣龍興鎮熙寧六年廢縣置九姑元年置青嶺鎮

崇寧三年以青嶺店改

宋會要 諸道水安軍路市鎮

陝西永興軍路京兆府長安縣子午鎮景祐年置河中府臨晉縣水和鎮  
至道元年置河東縣永樂鎮熙寧六年廢縣置陝州靈寶縣湖城鎮熙寧  
四年廢縣置陝縣石壕鎮一年廢縣置延州豐林縣定蕃鎮本上延鎮太  
平興國八年改仍置縣城合鎮鎮本合鎮闕八年改置鎮膚施縣豐林鎮  
熙寧五年廢縣置延川縣延水鎮八年廢縣置同州朝邑縣延祥鎮舊豐  
信鎮大中祥符四年改華州鄭縣渭南鎮熙寧六年廢縣置蒲城縣車渡  
鎮七年廢邠州新平縣炭泉鎮嘉祐八年廢龍泉鎮大觀中改為清泉鎮  
紹興元年依舊邠州縣界縣玉城鎮熙寧四年廢縣置盧氏縣藥川鎮元  
祐三年以樂川治置鄜州延路鄜州洛交縣三川鎮熙寧七年廢縣置坊州宜  
君縣昇平鎮熙寧元年廢縣置丹州宜川縣汾水鎮熙寧三年廢縣置雲  
巖鎮七年廢縣置環慶路慶州合水縣華池樂塢鎮並熙寧四年廢縣置  
平戎鎮四年廢十年修復元豐二年再廢元祐元年復金櫃鎮熙寧四年  
徙於廢樂播縣置醴州武功縣長寧鎮紹興元年置涇原路儀州靜邊鎮  
天禧二年置渭州安化鎮熙寧七年廢縣置秦鳳路鳳翔府盤屋縣清平

鎮大觀元年改為軍謀永興軍秦州床穰鎮熙寧三年以寨改八年改為堡成紀縣夕陽鎮舊夕陽鎮廢曆七年建為綏遠寨熙寧八年復為鎮隴州未遠鎮乾興元年以南柵店置汧源縣隴西鎮康定元年建安遠寨隸秦州熙寧八年復為鎮未隸綏遠鎮定遠鎮並舊係寨八年改曰秦州未隸眉州福津鎮西城鎮並廢曆二年置河口鎮熙寧十四年置通遠軍城隍鎮元豐十年廢寨置熙河路岷州長道縣良恭鎮天禧二年置故城白石鹽官宜谷崖石平泉馬務鎮並熙寧六年置大澤縣馬務鎮皇祐六年建馬務堡熙寧八年改為鎮岷山鎮舊岷山寨八年改

宋會要 荆湖南路市鎮

荆湖南路潭州安化縣七星鎮熙寧六年以寨改道州營道縣永明鎮熙寧五年廢縣置武岡軍龍津鎮武岡軍元祐邠州武岡縣崇寧五年改為軍其龍津鎮大觀元年置桂陽監平陽縣香風鎮熙寧六年修復北路江陵府松滋縣白水鎮乾德五年置枝江鎮熙寧六年廢縣置監利縣王沙鎮乾德三年以江陵府白河院置王沙鎮至道三年隸復州熙寧六年復州廢以縣為鎮石首縣建寧鎮乾德二年以漢華容縣地置縣熙寧六年復為鎮鄂州漢陽縣漢川鎮舊漢川縣太平興國二年改熙寧四年廢

漢陽軍以縣為鎮安州安陸縣雲夢鎮熙寧二年廢縣置歸州行歸縣興  
山鎮熙寧五年廢縣置辰州辰州落鶴鎮熙寧五年廢縣置怡容鎮普安  
鎮浦口鎮並嘉祐六年廢月池鎮熙寧七年廢叙浦縣寧口鎮辰溪縣  
龍門鎮銅安鎮並嘉祐六年廢復州玉沙縣高林鎮開甯六年置今廢成  
都府路成都府郫縣犀浦鎮熙寧五年廢縣置廣都縣籍鎮五年廢復  
州縣置麗江縣五年廢復州貴平縣以鎮未設彭州九龍縣峨口鎮熙寧  
三年以九龍縣峨口鎮為縣四年復廢為鎮導江縣導江鎮七年復導江  
縣治永康軍以舊縣置綿州龍安縣西昌鎮熙寧三年廢縣置嘉州峨眉  
縣綏山鎮羅國鎮犍為鎮玉津鎮並乾德四年廢縣置龍游縣平羌鎮熙  
寧五年廢縣置邛州臨邛縣臨溪鎮熙寧五年廢縣置黎州漢源縣通望  
鎮慶曆七年廢縣置雅州名山縣百丈鎮熙寧五年廢縣置簡州平泉縣  
貴平鎮熙寧五年廢復州以縣為鎮牛鞞鎮本茂州貴平縣鎮五年州廢  
未祿後并監井研縣始建鎮咸平四年廢縣置大安鎮舊名永安鎮崇寧  
二年因迴避後名改曰大安仁壽縣貴平鎮藉鎮乾道六年正月十七日  
陞為縣潼川府路舊梓州路梓州攝亭縣永泰鎮熙寧五年廢縣置果州  
南充縣流溪鎮熙寧六年廢縣置紹興二十七年陞為縣資州盤石縣月

山鎮丹山鎮銀山鎮乾道三年廢縣置內江縣趙市鎮熙寧六年自盤石  
縣未隸普州安岳縣普康鎮安居縣崇龕鎮樂至縣普慈鎮並乾德五年  
廢縣置叙州犍道縣宜賓鎮舊名義賓縣太平興國元年改熙寧四年廢  
縣置宜和元年復為縣瀘州江安縣綿水鎮乾德五年廢縣置榮州榮德  
縣公井鎮熙寧四年廢縣置渠州沱江縣大竹鎮景祐二年廢縣置富順  
監富順鎮熙寧元年廢縣置利州路興元府城固縣元融橋鎮天聖三  
年置弱溪鎮嘉祐三年置柏香鎮舊名柏水嘉祐八年改南鄭縣西橋鎮  
治平三年置閬州奉國縣岐平鎮西水縣普安鎮熙寧五年廢縣置劍州  
普安縣臨津鎮熙寧五年廢縣置巴州化成縣清化鎮本巴州清化縣乾  
德四年廢縣置道縣入焉咸平二年以隸集州熙寧五年廢集州省縣為鎮  
恩陽縣七盤鎮熙寧二年廢縣置曹口縣其車鎮五年廢縣置蓬州營山  
縣蓬山鎮熙寧三年廢縣置伏虞縣良山鎮五年廢縣置夔州路夔州  
五山縣毗石鎮熙寧八年廢縣置彭水縣鹽井鎮至道三年以鹽井場為  
鎮信寧縣都儒鎮嘉祐七年廢縣置泮水鎮熙寧三年廢縣置萬州南浦  
縣巴陽鎮嘉祐二年廢涪州涪陵縣溫山鎮熙寧三年廢縣置渝州南川  
鎮熙寧七年廢縣置大寧監大昌縣大昌鎮嘉祐六年廢安居鎮治平元

年廢京西南路襄陽府光化縣乾德鎮熙寧五年廢光化軍以縣為鎮襄陽縣鄧城鎮紹興五年廢縣置南漳縣中盧鎮紹興八年廢縣置鄧州棧縣順陽鎮唐順陽縣紹興五年廢為鎮內鄉縣浙川鎮唐浙川縣紹興五年廢為鎮鄧城縣橫木鎮元年置隨州隨縣光化鎮熙寧元年廢縣置唐城鎮唐唐城縣紹興五年廢為鎮桐柏鎮隆興二年九月二十五日廢唐州桐柏縣為鎮宋置金州西成縣平利鎮熙寧六年廢縣置唐州泌陽縣之氏鎮熙寧五年廢縣置南陽縣方城鎮元豐元年自鄧州未設

宋會要江東東路市鎮

江東東路杭州淳熙縣景德鎮景德元年置信州寶豐鎮淳化五年以成陽縣寶豐鎮置縣景德二年廢康定元年復置慶曆三年復廢為鎮西路洪州新建縣樵舍鎮至道三年復廢為鎮西路洪州新建縣樵舍鎮至道三年置分寧縣查日鎮三年置南昌縣進賢鎮至道三年置崇寧二年改為縣袁州分宜縣石鎮至道三年置吉州龍泉縣萬安鎮熙寧四年改為縣

宋會要廣東東路市鎮

廣南東路端州高要縣三水鎮馬漢置開寶中廢淳化三年復置康州端



溪縣悅城鎮 郡城鎮並開寶五年置廣州東莞縣香山鎮元豐五年置  
紹興二十七年陞為縣

宋會要廣南西路市鎮

廣南西路桂州臨桂縣恭化鎮嘉祐六年廢縣置荔浦縣永寧鎮 修仁  
鎮熙寧四年廢縣置融州融水縣武陽鎮 羅城鎮熙寧七年廢縣置梧  
州蒼梧縣孟陵鎮開寶五年廢縣置戎城鎮五年廢縣置六年復為縣熙  
寧八年復為鎮欽州靈山縣石陸鎮景德三年置武利鎮大中祥符五年  
置舊州鎮天聖元年置鬱林州南泉縣錄鵬偽唐為錄鵬鐵場咸平四年  
改為鎮宜州龍水縣述昆鎮熙寧八年廢懷遠軍述昆縣為鎮昌化軍宜  
倫縣昌化鎮 感恩鎮並熙寧七年廢縣置萬安軍萬安縣陵水鎮熙寧  
七年廢縣置朱崖軍臨川鎮熙寧六年廢吉陽寧遠二縣置

宋會要福建路市鎮

福建路 泉州南安縣潘山鎮大中祥符九年置後廢漳州龍溪縣教興  
鎮太平興國四年置邵武軍光澤縣永寧鎮舊崇仁鎮後廢至道元年復  
改今名後復廢建州建陽縣沙鎮紹興二十七年陞為縣

宋會要兩浙路市鎮

兩浙路杭州仁和縣臨平鎮范浦鎮北關江漲橋鎮並端拱元年置湯村  
鎮本仁和鎮端拱元年改新城縣南新鎮淳化五年以南新場為昭德縣  
六年改南新縣五年廢為鎮明州定海縣雙浦鎮雍熙四年置奉化縣  
高公鎮天禧四年置秀州海鹽縣寧海鎮淳化二年置青龍鎮大觀中改  
名通遠鎮紹興元年復廢州緡雲縣英化鎮治平十二年置維錄真宗咸  
平五年八月二十四日六宅使劉承珪言慶州淮安鎮最為衝要屯兵甚  
衆而總管在環州並有警急則道出慶州信宿方至若日環州木波鎮直  
抵淮安終八十里總管張凝遣戍卒開修已畢望蓋木波鎮兵可為諸路  
之援仁宗慶曆四年五月二十八日省河南府鎮陽尉安健碑縣氏河  
清五縣並為鎮令轉運司舉幕職州縣官使臣兩員監酒稅仍管勾煙火  
公事尋復舊時參知政事范仲淹以天下縣邑之多後衆而民有政首  
自河南府有之嘉祐元年八月十四日以興州新河鎮為新河縣初興  
州言本州堂陽縣人戶稀少而新河鎮交易所會既徙令佐治新河因廢  
堂陽縣為堂陽鎮神宗元豐元年閏正月七日詔廣南西路公營寨鎮  
使臣自今並依五路舉官條奏舉權免取願就狀候交人入貢取肯以  
本路經畧司言邊寨鎮使臣年滿及見闕無人願就改也五年十一月

六日廣南東路轉運判官徐九思言東海有島曰香山僑佃戶主客共五千八百三十人分隸東莞南海新會三縣凡有鬪訟各歸所屬縣辦理遇風濤則踰月不通乞建一縣因香山島名本路監司相度欲止置香山鎮差監官一員兼煙火盜賊從之 哲宗元祐元年四月二十五日前安州司戶參軍新珠等狀宿州零壁鎮係屬符離虹西縣又在符離新虹三縣盜賊轉徙艱于掩捕良民不得安業欲乞特符離新虹三縣近零壁鎮鄉管割屬本鎮仍改為縣如此則三縣連鄉皆為近境人戶輸二稅請苗役順便從之 二年五月十四日兵部言江淮等路制置發遣淮南路轉運淮東鈐轄提點刑獄提舉常平司奏請以宿州虹縣子仙阜為鎮徙通海鎮巡檢司於子仙鎮人淮南西路提點刑獄司奏請徙戟州馬口巡檢於新口鎮駐劄並從之 七年二月二十三日詔以隰州為次遣以本州言所隸上下永寧兩關俯通西界經久滿弊不可緩改也 徽宗大觀元年九月四日京畿計度轉運使宋喬年奏乞應京畿下諸鎮已有武臣處只令專管酒稅外別差經文臣一員管勾鎮事仍兼酒稅其民旅稠穰見無監官之處亦乞依此差官從之 三年六月十四日詔大觀元年九月京畿諸鎮添差文臣指揮更不施行 政和四年正月二十四兩浙轉運司

奏據湖州中安吾縣旗漢鎮監官不管轄鎮中煙火居民畧無畏憚今相  
度欲令本鎮監官就煎烟火公事從之 高宗紹興元年四月八日新通  
判建昌軍莊緡言竊見大觀中忌諱日廣縣邑有君主龍大萬年萬壽之  
類縣邑梅孚例皆改易有識觀之以為靖康之議欲乞應緣避前項眾字  
並令如故進奏院供海州龍直巡檢等語並改正 進奏院狀邠州龍全  
鎮改作清泉鎮西京龍門鎮改作通洛鎮濟南府龍山鎮改為般水鎮中  
山府龍泉鎮改為雲泉鎮常州武進縣萬歲鎮改為阜通鎮秀州青龍鎮  
改為通惠鎮 十一月二十二日襄陽府鄧州鎮撫使桑仲言襄陽  
府至鄧州相去一百一十里路當衝安其鄧城縣橫林市係在兩州中路  
已將橫林市改為橫林鎮專差監鎮官一員兼巡檢招集商賈往來巡警  
從之 二年六月二十日詔廣州龍水縣君溪鎮置稅合差官令兩浙轉  
運司辟差從本路運司請也 三年三月二十一日淮南東路提刑司言  
泰州崇墟鎮民戶楊思明等乞依舊置巡檢一員就差見今把隘官承信  
郎黃義充上件職事從之 十一月十九日淮南東路提刑司言楚  
州吳城縣所管止有八十八戶乞依舊為鎮差置武臣監鎮廢罷巡檢  
尉從之 十二月十日淮南東路提舉茶鹽司言泰州西溪海安兩鎮昨來

各係買塩場監官兼本鎮烟火公事自經殘破之後亟鎮各添置武臣監  
鎮一員今欲乞依舊只令監買塩場官管幹裁減鎮官一員從之 五年  
五月二十九日徽州言歙縣西地名巖寺縣東地名新館兩處商旅聚會  
近歲本州差官往巡處拘收稅錢內巖寺去年收到六十三百餘貫新館  
二千一百餘貫欲乞將巖寺新館以地陞改爲鎮拘收酒稅課利下本路  
監司看詳若寺可陞爲鎮新館雖客旅過往緣本處不滿百家不可爲鎮  
從之 七月十四日詔光州褒信縣廢爲褒信鎮移治淮南上由市擇上  
豪首領補下班祇應充監鎮兼烟火公事 二十五日鄧州言乞廢順陽  
縣爲順陽鎮課稅廢折山縣爲折川鎮隸內鄉縣各差監官一員兼酒  
稅盜賊襄陽府言乞廢鄧城縣併入襄陽中廬縣併入南漳並差監鎮一  
員管幹烟火公事兼監酒稅從之 三十日襄陽府路安撫都總管司言  
乞廢唐城縣爲鎮隸隨縣差唐城鎮監官一員兼管商稅從之 六年正  
月一日戶部言新州乞罷許公雙港石溪三鎮監稅官將查務各人買撲  
從之是後十二月十八日詔復罷從本路監司之請 七年二月二十日  
福建路轉運司言建州建陽縣地名麻沙見今居民繁盛極連邵武最爲  
街安乞改爲麻沙鎮仍依湖州新市鎮例差京朝官一員充監鎮監務兼

烟火公事詔將建陽縣正監官負缺改差京朝官就麻沙收稅仍管烟火  
公事 四月五日提照淮南西路公事司言泰興兩縣巡檢舊在崇德鎮  
駐劄從興五年正月德音有系今未準駕駐輝建康府其楊州崇德鎮係  
大江津渡人烟頗眾乞依舊置巡檢一員巡防盜賊從之 九年五月十  
四日樞密院言宿州虹縣子仙鎮係與泗州接壤詔撥隸泗州臨淮縣其  
本處巡檢從本路宣撫處置使司辟差 十二月十三日永興軍路經畧  
安撫司言虹縣武功縣扶風店比因廢齊隆降改為鎮本司會勘本鎮止  
當大路衝要可以為鎮詔依仍以長寧鎮為名 十四年七月十四日臣  
僚言諸路鎮市本屬縣邑在法止令監鎮官領烟火公事杖罪情重者即  
歸于縣比年以來任置牢獄械繫編氓事無巨細遣吏追呼文符交下是  
一邑而有二令也乞應天下監鎮官依條止領烟火公事其餘增田詞訴  
並不得受理輒擅置牢獄者重寘典憲詔令刑部坐條申嚴行下 七月  
十七日知湖州秦霖言本州管下鎮官除烏墩梅溪鎮係在文武京官以  
上及許斷杖罪以下公事外其四安鎮人烟繁盛不在梅溪烏墩之下却  
只差小使臣或選人監管杖罪並解本縣臣今相度欲依烏墩梅溪鎮例  
差京朝官許斷杖一百以下罪從之 十八年九月七日詔省開州新井

縣王井鎮寶馬鞍井監官一員從本路諸司請也 二十二年九月十五日詔

省兗州光州七里鎮酒稅務從本路諸司請也 二十七年十月二日詔

詔廣州香山鎮酒稅務從本路諸司請也 二十九年七月三日知楊鄧根淮南路轉運判

官孟虞義言本州印伯鎮監開已有監鎮一員令欲令監鎮兼監開從之

十二月二十三日戶部言知楊州判岑乞將泰州連化鄉崇墟鎮撥隸

本州尋下淮南監司相度今遂司委官案到兩州公案照得泰化見管海

陵興化如皋三縣按史書圖經九域志連化鄉并崇墟鎮正隸泰興縣連

化鄉管下臨江村冷村西北延村共三村即准以一鄉析在兩州而縣今

未泰興縣既隸楊州其連化鄉三村并崇墟一鎮自合隨縣隸楊州其民

戶輸納一事乞令楊州委官便于崇墟鎮受納其餘事理楊州既係一路

帥司自合同泰州措置所有巡檢只令仍舊准以改移本部欲依相度到

事理施行從之 孝宗隆興二年九月二十五日戶部尚書兼湖北北京西

路制置使韓仲通言唐州桐柏鎮廢置詳見州縣陞降廢置門二十六日

詔楊州泰興縣崇墟鎮酒稅實兼管烟火公事 以楊州言管下印伯瓜

州鎮皆煎煙火與本鎮事体一同故有是命 乾道六年七月四日詔

寧府管下小溪縣白水鎮復置監官一員轉運司依格法差注從潼川府  
路諸司之請也 十二月二十八日詔無為軍襄安縣彈壓緝捕盜賊兼  
烟火公事一員罷之仍舊置鎮將一名 以本路諸司言自置彈壓官受  
理本鎮公事百端擾民故也 九年閏正月三十日吏部言滁州來安縣  
廢馬鎮撥隸清流縣乞就差見任來安縣尉改充來安監鎮仍兼烟火盜  
賊公事通理已任縣尉月日成資從之 十月十一日四川宣撫使司言  
蜀州新渠鎮舊係新渠寨直西去西門樓輿蕃部接界相距止三十里舊  
差武臣一員主管烟火公事後以運司并廢務官鎮官一舉罷去緣本鎮  
人戶近十餘家多有外方軍賊作過無官彈壓民不安居乞依舊差置主  
管烟火公事一員從之 十二月四日四川宣撫使司言開州舊管三色  
今所存者開江清水兩縣其新浦縣自慶曆間廢以馬鎮緣本鎮去州遠  
連山谷窮深姦豪巨寇肆居其間昨差置酒官一員在本鎮兼煙火公事  
至紹興二十六年酒官復省無官彈壓居民不安竊見本州管界巡檢一  
員不兼他職乞移就浦鎮置司彈壓實為經久利便從之 寧宗慶元六  
年七月二十四日兩浙轉運司言湖州乞省罷本州管下施浦和平兩處  
鎮稅本州既稱施認通融起發其于上供案名何緣更有妨闕民旅從便



往來無復攔截騷擾之患。委是經久可行。欲從所乞。施行從之。嘉泰四年正月一日詔。無為軍無為縣。襄安鎮。彈壓盜賊。并烟火公事。員缺。及作左選監當通差。京官選人從前知無為軍商飛卿請也。嘉定五年十二月二十八日詔。將通州添置崇明監鎮官一員。令室除差。經任有舉主文臣一次。以後卻令吏部依此。使關統通州守臣喬行簡之請也。七年三月十五日詔。添置監黃州岐亭鎮官一員。仍以監酒務繫銜。仰黃州先次從公選擇。文臣經任有舉主選人。辟差一次。自後令吏部使缺。從黃州守臣謝周卿之請也。九年三月二十三日詔。無為軍金牛鎮置巡檢一員。專一巡視。修治城壁。關防盜賊等事。令淮西安撫司公共奏辟一次。其請給等並依本軍指使別例支破。以知滁州植達言乞。補置巡檢一員。把暮寨兵四十人。充本鎮名額故也。

全唐文

宋會要

山泉

東京雜錄神宗元豐四年承議郎胡宗炎言夷門山在大東內北當少陽之位爲都城形勝之所國姓王氣所在公私取土於此崗阜漸成坑塹伏望禁止及填塞掘鑿處司天監定如宗炎所言從之

全唐

真宗

宋會要

泉

大中祥符元年二月醴泉出蔡州汝陽縣鳳源鄉有疾者飲之皆愈又相州永安縣韓陵山牧童掘地得泉深尺餘汲取不竭飲者宿疾皆愈時或愆雨禱之必應四月丁巳袁州乾封縣民王用田中有童兒掘土得小青錢數十爭取之錢墜石罅因發石有湧泉二十四眼味極甘美入枯石河復有湧泉二十五眼又一眼出魯阜之上信宿勢加倍又別引數派雙魚躍其中有果實流出似李而小味甚甘及今古錢百餘封禪經度制置使

王欽若貯水馳驛以獻分賜近臣詔設欄格謹護之五月王欽若言泰山醴泉出錫山蒼龍見六月詔建亭以靈液為額是月庚戌賜百官泰山醴泉十二月丁酉內出泰山玉女白龍王母池新醴泉賜輔臣天禧二年九月乙酉錢暖獻醴泉賦賜及第三年閏四月丁未醴泉出京師拱聖營上謂輔臣曰營卒初覩龜建真武祠今泉出其側有疾者飲之多愈甲寅命王欽若建觀名祥源十月辛卯成仁宗重建改為醴泉觀題曰爰有神泉湧茲福地甘如飲醴美可蠲痾

四方津渡 全要

開封之酸棗張家河南之王屋長宋南津益州之沅水  
九鼎河中之三亭青潤懷州之宋家陝州之立津三亭  
京兆之渭橋鎮德軍之大保津慶成軍之滎河青州之  
王家河單州之黃隊齊州之河陰口耿濟口高家口黃  
河南北水馮家口商家橋河口消口老僧口李唐口柳  
家港河口潁川之河鑠界溝許州之合流郛城鄆州之  
王橋鄒家滑州之李固白羣磁州之觀臺滄州之荆河

口南皮口郭橋口長蘆口劇家口 州之樂家七里衛  
州之張家李家淇門鎮小河濱州之窰子口解家具州  
之李家荆南之東津楚之州北神淮陰洪澤光州之朱  
畢新州之獨樹黃州之黃陂河楊之州瓜洲濠州之濠  
口宿州之荆山渦河同海蔡州之臨懷連水軍之巢縣  
宣州之水陽杭州之水浙江龍山廟此舊總數後亦有  
增廢者 太祖建隆元年三月詔滄德 淄齊鄆等州  
界有古黃河及原河文河因水潦置渡收筭凡三十九  
處及水涸為橋亦筭行者名曰乾渡錢宜並除之或秋  
夏水漲聽民具舟濟渡官物取筭 開寶五年二月詔  
自潼關至無 沿河民置船船私渡者禁止之 太宗

太平興國二年十二月有司言准乾德二年詔書有敢私渡江者及舟人盡寘於法今江南平舊禁未改望如私渡黃河例論其罪從之 七年三月黎州言脩大渡河船渡進奉蠻人 端拱二年詔應係官及買撲津渡如有百輸納二稅經過并樵漁及孤老貧窮之人往來並不得收納渡錢 十二月三司言許州鄆城東螺灣渡係百姓買撲每年納錢四百五十千伏見文移奈州稅赴許州并在京送納日有車重往來經過計出渡錢十五文慮額外收錢不盡入官望特與免此渡錢看詳百姓輸稅經厯津渡不合勒納渡錢請令應是江河津渡之所但百姓輸稅經過自今不許雷同收納渡錢利

從之是月荊湖轉運司言漢陽軍自湖渡年額錢三十  
六千其渡口並無客旅過往亦無人煙居止每差牙校  
主當所收課利不多欲望停廢從之至道二年五月  
詔濱州管内溝臺南北口等五處先是置渡官以船渡  
行依取其課令水潦不降河道枯涸而吏猶責其直宜  
除之咸平三年四月詔禁黃河私渡船四年十月  
詔禁諸州競渡景德元年正月詔開封及諸路轉運  
司部內津渡先蠲免課利者並官設舟楫以濟之二  
年九月除三泉縣東西及青烏嘉陵四津渡年額錢仍  
不得以部民為渡子天禧元年五月群牧司判官傅  
蒙言乞於邢州鉅鹿縣南漳河長蘆渡口造橋通過外



監鞍馬就草地牧放其於地理甚便其所有長蘆渡課  
利錢五十六千望特廢罷從之 仁宗天聖四年四月  
翰林學士夏竦言金山羊欄左里大孤小孤馬當長蘆  
口等處皆津濟艱險風浪卒起舟船立至傾覆逐年沉  
溺人命不少乞於津渡險惡處官置小船十數隻差水  
手乘駕專切救應其諸路江河險惡處亦乞勘會施行  
從之 七月廢冀州堂陽縣乾渡一許民取便造橋以  
轉運使言此渡係民買撲歲納六十餘千頓成搔擾故  
也 六年五月詔荆南公安縣渡新增收渡牛錢每一  
牛五十文歲課止十九千自今宜罷之 八年八月左  
司諫龍圖閣待制知鄆州孔道輔言緣河耕種人戶望

許取路過往更不問罪與免官渡津錢從之時鄒家渡

捕得越河者皆屬縣稅戶不當為非故道捕有是奏

景祐元年三月六日臣僚上言鄆州界王橋渡乞只就

眉邱河上一處監收渡錢并鄆州臨河鎮南河口乾口

亦乞停廢詔王橋渡只於眉邱河一處收納渡錢其王

橋渡并淄州臨河鎮並與停廢慶曆元年十月禁火

山保德軍緣河私置渡船皇祐五年十一月赦書諸

處乾渡錢累行除放如聞尚有存者令長吏訖以聞

嘉祐二年十一月詔除嵐州合江等三津渡課利錢

以上國朝會要神宗熙寧六年十月三日詔河州安

鄉城黃河渡口置浮橋詳見橋門同日詔延州永寧

關黃河渡口置浮梁詳見橋門 七年正月一日諸定  
諸關門并黃河橋渡常切弊察姦詐禁物軍人公人及  
官員經過取索公文券歷文字看驗遇夜以鎖門唯軍  
期急速審聞聽開詳見關門 十年七月二十七日司  
農寺言訪聞諸路河渡每遇乾淺月即人涉水過往買  
撲人戶以出官課為名約攔上船或令出納乾渡錢去  
處今相渡諸路應買撲河渡內有溪港等水源淺小至  
乾淺月分元不曾捐除課利買名錢去處委自本州縣  
契勘申轉運提舉司相度據合紐納課利買名錢數減  
免仍禁攔截人旅并小可渡口不妨過往處相度廢罷  
若見石中下等人戶管勾處遇乾淺月分如有官給舟

船許留一名看守夫與合得庸錢餘並權暫放罷庸錢  
更不支給並候有水渡截日依舊所賞公私通濟從之

元豐五年八月二十四日前河北轉運副使周革言

熙寧中外都水監丞程昉於真定府滹沱河中渡繫浮  
橋比舊增費數倍又非形勢控扼虛占使臣兵貲乞皆  
罷之每歲八九月修板橋至四五月防河拆去權用船  
渡從之 徽宗大觀三年正月二十九日詔今後擅置  
私渡不原赦降並從杖一百應係橋渡官為如法修整  
今復擅置及將係官橋輒毀拆損壞者徒二年配一千  
里其官渡橋不修整者杖一百令仇展一考致溺人者  
衡替並許人告賞錢五十貫諸路依此以壽州民焦清

言近因沿河初置私渡多覓渡錢故也 政和元年七

月二十一日臣僚言津渡凡遇民旅往來渡于多方乞  
取候其所得如意乃肯濟渡與錢稍薄即百端留難民  
旅受弊內降黃貼子津渡阻留及端險恐赫錢物皆有  
弄憲所屬自合常切檢舉曉示詔應有津渡去處檢坐  
前項條法分明曉示仍令州縣官常切檢舉覺察 以  
上續國朝會要 光堯皇帝紹興三年七月二十五日  
知臨安府梁汝嘉言臨安府錢塘江一帶自浙江岸至  
富陽縣觀山舟船往還多是等候潮訊中夜行船是致  
盜賊乘時劫奪雖督責巡尉緝捕緣江面濶遠難以擺  
布乞行自富陽至浙江江岸一帶應有舟船並不許中

夜通放仍令本地分巡尉常切止約不得因緣搔擾契  
勘錢塘江潮早晚兩訊如遇夜不行通放所有日中潮  
訊自不妨客旅舟船往還從之 五年閏二月十三日  
尚書省言車駕駐蹕臨安四方輻湊錢塘江水閘流湍  
全藉牢固舟船往來濟渡近日添置渡船往往怯薄每  
遇濟渡蒿梢乞覓錢物以多寡先後放令上船以致爭  
奪壓過力勝或遇風濤每有覆溺詔令兩浙轉運司限  
十日吏行添置三百料舟船五隻專一濟渡不得別將  
他用仍將見今板木怯薄渡船別行修換務要牢實及  
委官覺察蒿梢等不得乞覓錢物如有違犯重作行遣  
六年六月二十一日右司諫王縉言近者乙巳地震

陛下深自儆懼詔誡中外務在恤民竊見日前有司奉  
行詔令實惠及民者少因緣搔擾者多如浙江船渡憫  
其覆溺差使臣以察之而百端阻節往來反受其害回  
易收息以助軍費置官吏以司之而有籠及柴薪物價  
為之煩增凡此本欲興利而或以為害況其甚者乎欲  
乞睿旨詔浙江船渡宜責邊江巡檢諸處回易取商旅  
情願民瘼既除變異自銷勘會使臣已送大理寺根勘  
詔應有回易去處如敢抑勒買賣監官使臣勒停人吏  
等並次眷配千里牢城許人越訴仰提刑司常切覺察  
餘依奏 七年六月十五日尚書省言浙江西興兩岸  
渡口每因人衆爭奪上船或渡予乞覓邀阻放渡致多

沉溺自紹興元年至今年已三次失船死者甚衆詔如  
裝載過數稍工杖八十致損失人命如常法二等監官  
故縱與同罪不覺察杖一百輒以渡船私用或借人並  
徒一年其新林龕山私渡人杖一百仍許人告賞錢五  
十貫 二十四年七月十九日行軍器監丞孫祖壽言  
春秋時吳越相望界以浙水之險潮海日至待其水平  
然後可濟其來尚矣間者舟師載渡無節逮至中流遇  
有邀不旋踵間同舟盡溺於是朝廷差監渡使臣措置  
甚嚴閱歲既久復成玩習渡舟減裂小民輕生不顧潮  
之至否競從私渡棄舟徑涉間有沉溺無由盡知損傷  
往來為患甚大乞中嚴舊制禁私渡治舟楫則近甸之



人自絕濤波之虞詔令臨安府檢舉措置 九月十五  
日知臨安府曹泳言准敕禁錢塘私渡察視舟楫時加  
修治令欲檢舉見行私渡條法曉示外其所差官係朝  
廷使臣本府難以約束欲專令本府差官一員主管濟  
渡度得逐時檢察不致闕事其渡船乞下轉運司休元  
降指揮修整每月差本司官一員點檢保明堪與不堪  
濟渡所有紹興府蕭山渡乞下本路依此施行從之  
二十六年七月十四日尚書省勘會已降指揮住罷聽  
從民便 三十年十二月十四日詔浙江西興鎮兩處  
監渡官係樞密院差到使臣今後一年一替如無沉溺  
人船令轉運司保明申取朝廷指揮推賞任滿不切用

心裝載舟重致悞人命依紹興七年六月四日立定渡  
船三百料許載空手一百人二百料六十人一百料三  
十人一百料已下遞減如有擔杖比二人罪賞指揮施  
行仍仰所屬具情犯申取朝廷指揮所有供給令臨安  
府紹興府比附監當例減半添支其龍山漁浦監鎮並  
是監管不得專一今後漁浦渡依舊就委監鎮巡檢依  
浙江例膏牌發渡龍山渡從朝廷選差樞密院使臣一  
年一替賞罰並依浙江西興體例其臨安府海內巡檢  
司官鮒漁三百料船二隻專一應副朝陵內人濟渡不  
測使用聞巡檢司表私差借應副官自今後專差軍兵  
看守如私輒差借合干人從杖一百科罪官員許本府

具中朝廷施行並從兩浙運使呂廣問請也 以上中

興會要

壽皇聖帝隆興元年十月五日臣僚言歸正

人略無來歷因依慮影匿姦細措置下諸渡密切伺察  
如有透漏監渡並巡鋪各點官一等罷任任內無透漏  
進官如之詔獲姦細轉官外增給賞錢三百貫仍令責  
辦守臣 十一月三日臣僚言浙江渡昨自紹興七年  
呂頤浩為相魯緣節次失渡嘗立畫一約束最為詳盡  
因循日久新差使臣不復留意訪聞十月三日中流度  
舟舟中之人並殞非命而當日監渡係樞密使臣吉演  
要以舟船側倒人已上岸為詞公肆誕謾請大字錢板  
揭立江岸所差樞密院使臣一年一替許兩州守臣按

案仍將使臣吉演罷黜其當日履舟梢工李勝依元立  
刑名論遣詔吉演放罷李勝編管五百里仍令戶部申  
嚴行下 二年正月九日江淮都督府准備差遣李椿  
言靜江府興安縣胡嘉浦修仁永福縣昭州恭城平樂  
縣賀州富川臨賀桂嶺縣道州永明江華縣全州灌陽  
縣多有聚集往南之民並以販茶鹽為名結集逃竊  
掠詐過蓋廣東必由賀州廣西必由青象二州江口每  
經吾津渡人納百錢如誘掠婦女人納千錢今措置令  
本州於逐處團結保伍籍其姓名每冬點集不許出入  
仍於要切渡口嚴加禁止詔下本路經畧安撫提刑司  
相度可否以聞 同日江淮都督府准備差遣李椿言

二廣往南之人每自沿海作過歸却於州縣關津要處  
或以稅牛為名或計人數取錢導民於作過之地欲乞  
將責象等州至于渡口或山峽往南之人必經由路各  
置守把官遇三人以上雖貨物不多而持杖者皆不得  
放行詔下本路經畧安撫提刑司相度以否以聞 十  
二月十六日德音楚滁濠廬光州盱眙軍光化軍管內  
并揚成西和州襄陽德安府信陽高郵軍緣避兵人馬  
流移歸業之竊慮津渡艱阻可令州軍各於津渡去處  
多添舟船即時濟渡仍免官司渡錢約束不得乞覓阻  
節 乾道二年四月四日臣僚言乞鎮江府并揚州依  
錢塘江例分造楊子江渡船詔下鎮江府揚州相度利

言以聞輔臣以臣僚言奏上聞尋常如何渡江汪澈等  
曰皆民間以小船渡載每遇風濤必有覆溺之患上曰  
此亦非小事如何從來無人理會澈等欲更下各處相  
度利害然後施行從之三年五月十三日兩浙路轉  
運司言浙江西興龍山漁浦渡船濟渡官兵民旅自呂  
頤浩措置後年歲深遠奉行廢弛今欲乞監渡官到任  
一年無覆溺損失人船與減一年磨勘月於逐州府增  
支食錢六千如不依則例多裝人數及將添置船槽藏  
匿下盡行使及不於裝發船處躬親點檢人數與馬槽  
物依時裝發縱容梢工水手於大江半途邀阻橫索或  
致差失潮候損溺人船乞將監渡官重寘於法稍工配

隸蒿手杖一百編管仍立賞錢三十千從之并立渡船  
置五色旗及五色牌賣給過渡人嚴禁私渡差撥水軍  
止約撓奪登舟等數條 四年八月十四日尚書省勘  
會累降旨令沿邊州軍禁止私擅渡淮及招納叛亡之  
人非不詳盡近來帥憲司視為常務督責不嚴竊恐因  
致生事詔沿邊州軍常切遵守仍不時鈐束縣令巡尉  
并仰所隸地分官都巡檢使嚴行關防如能用心捕獲  
所立賞格外更優推恩若有透漏他處官司捕官獲其  
地分當職並取旨重罰帥憲司失覺察亦重寘典憲仍  
仰沿邊州軍置立粉壁帥憲司多出文榜曉諭各具知  
稟聞奏六年十一月二十六日太平州言被旨采石鎮

稅額併縣蕪湖其采石稅務係監官兩員若盡省併緣  
係緊切關津渡口畿察姦細欲乞存留一員從之 八  
年六月五日淮東路鈐轄夏俊降一官楚州山陽縣陳  
銳添差山陽縣馬邏巡檢孫春楚州管界沿淮巡檢張  
舜臣各追兩官勒停山縣陽下柳浦巡檢嚴宗顏追一  
官勒停以沿淮私渡透漏戶口坐不覺察故也 十一  
月十一日詔淮河監渡在任二年委無入簡帶銀銅鐵  
等敗露方許漕司保明推賞不實與所保同罪先是臣  
僚言淮河私渡之弊因有是命仍令知通或職官以下  
同推場官日輪一員請發客渡口轄所差官都監監渡  
緝捕使臣等搜檢機察臨時點差水工登舟及督責沿



淮巡尉捕盜官司於所管地分上連下接往來晝夜巡  
警日具無透漏文狀申本軍照會 九年二月六日行  
貽軍言本軍監淮河渡關官未有代人緣淮渡日過客  
旅過淮得易最要機察關防透漏錢銀禁物之弊安不  
可久關正官伏乞早賜差注詔本路帥漕司同議辟差  
一次 以上乾道會要 淳熙二年十二月二十日詔  
自今楊州瓜洲渡鎮江府西津渡並令本處巡檢兼監  
渡仍於衙內帶入依舊侍右使關差注 四年八月二  
二十四日太平州守臣言黃池鎮河渡從來係百姓買  
撲是致盜賊出沒難以禁止乞從本州買撲把認課利  
量立渡錢機察盜賊從之 六年正月二十六日知鎮

瓜洲岸係官渡外其餘私港不惟般載違禁物貨銅錢  
過江仍恐透漏姦細乞除炭渚港亭資東西港丹徒東  
西港諫壁港大港共七處許本處土豪經營投充渡船  
戶其渡船鐫刻字號委巡尉專一覺察其餘私港三十  
餘處並不許私渡仍乞行下沿江諸郡依此從之 四  
月二日淮南運判徐子寅言真州沿江官私渡共二十  
九處內宣化鎮渡一處係官監并瓜步山前渡何家穴  
渡真州城下燕稅亭渡潮閘渡獺兒河渡巨家渡港六  
處係買撲常平渡共七處乞存留外其私港二十二處  
乞禁止揚州沿江官私渡共五十四處內瓜洲渡係官

監并泰興縣穿破港茆莊港買撲常平渡之存留外有  
私渡五十一處之禁止泰州沿江官私渡共五處內合  
石莊港合置立官渡之存留外有私港四處之禁止通  
州沿江官私渡共六十四處內海門縣孫團併買撲常  
平渡一處及江口新舊兩港併合一渡衝要去處之行  
存留外有私渡六十二處之行禁止詔除子寅更切相  
度外盡行廢罷恐民旅往來迂回不便可除官渡外更  
將要緊處私渡量行存留具合存留申尚書省 先是  
知鎮江府司馬攸言本府沿江私港四十一處除炭渚  
港七處許令土豪為渡戶其三十餘處並不許私渡之  
下沿江諸郡依此從之至是子寅開具本路私渡去處

乞行禁止詔除官渡外吏將要緊處私渡量行存留申  
尚書省五月二十八日子寅條具乞存留真州陳李港  
陳家斗門揚州泰興縣港柴墟鎮港通州上泖港天仗  
港渡從之 十年二月三日宰執進呈知臨安府王佐  
言龍山渡官許元禮裝渡船至浮山沉覆監漁浦鎮霍  
令詢監漁渡郭孝忠將帶人船救活七十九人已將龍  
山渡官許元禮奏罷其霍令詢郭孝忠乞賜旌賞上曰  
可各與減三年磨勘上准奉奏曰裝渡者默救沉者賞  
懲勸如此其誰敢不勉 十二年十二月十八日湖北  
提舉趙善譽言乞將本路買撲江陵府亭陂等四十五  
處河渡盡行廢罷從之 以上孝宗會要 慶元元年

二月五日臣僚言竊見江西路州縣管下通津河渡隸常平司召入承買外其文流斷港或非常平所隸而姦猾不逞假承買河渡之名妄操舟楫當水潦汎漲則故作留難平沙淺瀨則不容褰涉甚者野橋畧約亦掠渡錢資裝或豐弊害益肆之行下諸路常平司相度將管下河渡除通津驛路許仍舊買撲其課額差重見今無人承買去處量行蠲減自縣窮源僻間課利絕少及非正渡悉行罷去從之 六年十二月十九日監察御史施康年言致塘江湖水勢湍險異於他處每日濟渡往來何啻千百雖有巨舟非得慣習水勢高手三十人亦不免舉之行下兩浙轉運司并臨安府紹興府將所管

濟渡舟楫籍為定數其間稍有損漏重行修製每一渡  
舟量其大小為措置水手一二十人籍定姓名各與請  
給不得妄有差撥至如合用維楫之屬亦合委官常切  
點檢預辦以備不虞從之 嘉泰元年三月二十四日  
臨安府言浙江龍山西興漁浦四渡通管渡船三十五  
隻內轉運司一十九隻本府所管一十六隻日常津發  
民旅依已降指揮每人出備錢三十一文足買牌上船  
過渡除官員軍兵茶盞鈔客乞丐僧道免出牌錢外若  
有檐伏轎馬增折人數其牌錢以十分為率將一分發  
納分隸兩司修船使用今欲從本府勒各船蒿梢從公  
踏逐少裝詣曉水勢慣熟人籍定姓名委自渡官將兩

司船隻輪流資次裝發渡官臨時酌量須管於籍定人數內充應水手撐駕本府免收一分官錢每日將所收十分官牌錢盡行均給當日行船水手內本船梢工倍支謂如水手一百支梢工即支二百支若各渡將牌錢仍前別作名色支破不即盡數支給水手梢工或隱匿作弊却許梢工水手指實經府陳告重行斷治所有船隻損動從本府自行修整從之 三年十一月十一日南郊放文州縣人戶買撲河渡舊納淨課利錢偶因改造橋梁其河渡錢無從收掠而官司拘於元額依舊追淮縣道申訴不為減豁致令別作名色科率應副委是違法如有似此去處令提舉常平司差官審覈當與獨

免開禧二年嘉定二年五年十四年明堂赦並同開禧三年十一月四日詔臨安府浙江龍山紹興府西興漁浦四渡監官仍舊改差武臣添給食錢任滿轉官並比附文臣體例施行四渡監官元差右選因嘉泰二年兩浙漕臣陳景思申請改差文臣至是漕臣史彌堅言大臣養亭自重視本職為猥賤而不屑為其弊尤甚乞復用武臣故有是詔嘉定五年三月六日知建康府兼沿江制置使黃度言建康府境北據大江是為天險上自采石下連瓜步其間千有餘里共置六渡其一曰烈山渡籍于常平司歲有河渡錢額其五曰南渡浦曰龍灣渡曰東陽渡曰大城堰渡曰岡沙渡籍于府司亦



有河渡錢額而不屬常平合六渡歲為錢萬餘緡歲月  
寢久官但知循例拘納月解錢而舟楫廢壞僅有存者  
官吏蒿工初無廩給民始病濟而官漫不省乃有姦豪  
不顧法禁始更別置私渡左右旁午是由官渡濟者絕  
少乃聽吏卒苛取以充課徒手者猶憚於往來而車擔  
馬牛幾不敢行甚者至扼之中流以邀索錢物竊以為  
方今依江為國天設巨防不容緩縱而或至弛禁南北  
津渡務在利涉不容簡忽而俱求征課臣已盡為之繕  
治舟艦選募蒿梢使逐處巡檢並監渡官於見今諸渡  
月解錢則例量江面闊狹計物貨輕重斟酌裁減率三  
之一或四之一自車人牛馬皆有定數雕榜揭示約束

不得過數增收邀阻乞覓哀一歲之入除烈山渡常平  
錢如額解省有餘諸渡皆以二分解修造庫專充向去  
修船之費而以其餘給官吏棹梢手水食錢令監渡官  
逐月照數支散其更有餘錢則解送府司然後盡止絕  
私渡不使姦民踰越禁防檢坐見行條法使諸渡官覺  
察逐月結罪保明申府嚴邪慝之防行濟涉之政闕非  
輕猶慮他時不知事因或以失陷官錢為非或以禁約  
越逆為過輕有改更失臣始意則舊弊復存公私非便  
乞令本府永久遵守施行從之七年八月六日淮南運  
判兼淮西提舉喬行簡言竊見中渡花壓係南北限界  
民族交通物貨互市關係不小尤當謹嚴亦何愛一二

差遣不使之專一管幹乞朝廷將中渡花監兩渡監官  
初置員闕選差曾經任有舉主人充應任內有捕獲到  
茶監與照巡尉格推賞其透漏者罰亦如之令本司專  
一覺察旬具有無透漏及搜捉到茶監事狀供申任滿  
與之保明批書庶幾職思其憂亦可使之搜檢姦細機  
察盜賊體探邊境事宜詔依所乞增置中渡花監兩渡  
監官各一員仍令淮西運司選辟經任有舉主選之人  
一次今後作堂除使闕餘並從之 十月四日湖南提  
舉司言照得衡州衡陽縣柘江渡額管淨利錢伍百六  
貫一文九十六文近改造石橋了畢及委官覈實果為  
永遠利便所是河渡錢無從收掠合與照赦蠲免送戶

部勘當中尚書省繼而戶部言照得其渡既已造石橋  
濟人往來之下湖南提舉司照敕施行從之十四年六  
月十六日德音敕文應斬黃州流移人民已降指揮速  
令賑恤津遣復業竊慮歸渡之際舟人津子乞覓邀阻  
殊失矜軫流民之意可令逐路沿江州軍各於津渡去  
處增撥舟船差官監脉濟渡給榜約束合干等人不得  
乞覓阻節如違許人戶越訴

全唐文

宋會要

# 橋梁

宋太祖建隆二年四月西京留守向拱言重修天津橋成甃石為脚高數丈銳其前以疏水勢石縫以鐵鼓絡之其制甚固降詔褒美 開寶七年十一月江南行營曹彬等言大江浮梁成命前汝州防禦使陸萬友往守之先是江南布衣樊若水嘗漁於采石磯以小舟載絲繩維南岸疾檣至北岸以渡江之廣狹遂請闕獻策請造舟為梁以濟師太祖即命高品石全振往荆湖造黃黑龍船數十艘又以大艦載巨竹組自荆南而下及命曹彬等出師及遣八作使郝守濬等率丁夫營之議者

以為自古未有浮梁渡大江者恐不能就至是先試於  
石碑口造之移置采石磯三日而橋成由是大軍長驅  
以濟如履平地 太宗太平興國八年九詔國家同文  
共軌四海一家方蘇歸化之人豈禁代勞之畜其泗州  
浮橋今後應有馬經過不得更有禁止并下汭淮州軍  
准此先是江浙未平馬有渡淮之禁至是用贊善大夫  
闕衡言而有是命 真宗景德二年四月改修京新城  
諸門外橋並增高之欲通外濠舟楫使人故也 大中  
祥符元年五月詔在新舊城裏汴河橋八座今開封府  
除七座放過重車外并平橋只得座車子往來 二年  
八月詔京城汴河諸橋差人防護如聞違留商旅舟船

官司不為禁止自今犯者生之 三年八月工部尚書  
知樞密院事陳堯叟言同州新市鎮渭河造浮梁有沙  
灘且岸峽不若嚴信倉水狹岸平為梁甚使從之 四  
年一月詔洛水橋名迎蹕渭水橋名省方 六月詔如  
聞陳留有汴河橋與水勢相戾往來舟船多致損溺今  
府界提點經度修換其利害以聞 五年七月修保康  
門相直汴河廣濟橋改名曰延安創惠民河新橋名曰  
安國車駕臨視之 九日帝曰京城通津門外新置汴  
河浮橋未及半年累損公私船經過之際人皆憂懼尋  
令閩承翰規度利害且言廢之為便可依奏廢拆其元  
陳利便已受遺補之人劾罪誠勵並勒依舊 六年六

月詔曰昨者祇若元符欽迎真像靈期允協茂典慶成  
乃眷飛梁實登寶座宜更美稱用表純熙昇平橋且以  
迎真為名 八年六月河西軍節度使知河陽石普言  
陝府澶州浮橋每有網船往來逐便拆橋放過甚有阻  
滯今造到小樣脚船八隻若逐處有岸即將高脚船從  
岸鋪使漸次將低脚船排使如無岸處即兩邊用低橋  
脚以次鋪排中間使高脚船八隻作虹橋其過往舟船  
於水深洪內透放并具樣進呈帝令三司定奪聞奏  
閏六月詔開封府界諸縣鋪橋自今蓋造添修並要本  
府勾當所用木植令於屋稅等錢內折料如大材料令  
三司支撥應副 天禧元年正月罷修汴河無脚橋初



內殿承制魏化基言汴水悍激多因橋柱壞舟遂獻此  
橋木式編木為之釘貫其中詔化基與八作司營造至  
是三司度所廢工逾三倍乃請罷之 仁宗天聖二年  
九月二十八日太常博士董黃中言太平州蕪湖縣有  
渡江浮橋一乞降勅命長令存留仍不住修葺從之乞  
是江水歲暴漲浸沒橋道科率修繕甚為民害至是造  
舟為梁頗革其弊 三年正月巡護惠民河田承詵言  
河橋上多是開鋪販鬻妨碍會簷及人馬車乘往來兼  
損壞橋道望令禁止違者重寘其罪從之 是月詔在  
京諸河橋上不得令百姓搭蓋鋪占欄有妨車馬過往  
六年三月詔澶州浮橋計使脚船四十九隻並于秦隴

同州出產松材磁相州出釘鐵石灰採取應副就本州  
打造差監浮橋使臣管勾先是於溫台二州打造以其  
遠到遲故有是命 七年六月京東轉運司言近准勅  
差知來州虞部郎中閻貽慶等部轄開修夾黃河勘會  
所開河橋梁填子除北田朦朧填子兩座水勢添漲候  
開春減退修置外其餘橋填並已修置欲令緣廣濟河  
并夾黃河縣分令佐常切巡護逐年檢討工料圓融夫  
力淘出泥土修貼堤身於牽路外栽種榆柳如河堤別  
無決溢林木清活具數供申年終輦運司照檢不虛批  
上曆子理為勞績如公然慢易致隄岸怯弱顏缺栽種  
失時亦乞勘逐科罰從之 慶厯四年四月詔責罰定

奪陳留縣移橋官吏先是確綱右侍禁李舜舉請移陳  
留南鎮上橋於近南舊弛橋處以免傾覆舟船之患開  
封從其請而移橋則廢縣大姓之氏舍遂因緣以言於  
三司使王堯臣以為無利害而徒費三司遣提點倉草  
場陳榮古相之榮古請于舊橋西展水岸五十步辟水  
入大洪而罷移橋知府吳育固爭之朝廷遣御史按之  
御史言移橋使且繫三司受請置司排勘於是自堯臣  
以下皆罰金焉 皇祐三年十月以患民作新橋為安  
濟橋 嘉祐二年十二月遣先降修澶州浮橋官吏獎  
諭詔先是澶州言河流壞浮橋後日而完修之遂降獎  
諭而中書言官吏護視不謹法當劾罪既今免劾而詔

亦追罷之

治平四年八月二十一日

神宗即位陝西未改元

體量安撫使孫永言河中府浮梁自東西岸有減水口  
子自淤澱後遇水汎漲束狹得河流湍悍故壞中墀及  
浮橋乞將陳杜唐州材三口峇行䟽理分泄黃河汎漲  
時水勢從之 神宗熙寧六年四月十七日熙河洮河  
浮梁成賜名永通橋 十月十三日洮河北安鄉城鄆  
廓通道也濱河戎人嘗剽木以濟行者艱滯既甚何以  
東遠故令景果立營之 同日詔延州永寧關黃河渡  
口置浮梁水寧關與洛澠州跨河相對地沃多田收嘗  
以剽擄資延州東路城寨而津渡阻隔有十數日不克  
濟者故上命趙高營以通糧道兵民使之 八年八月

八日詔澶州製造吳舜臣所造獲浮橋鐵叉竿 九年  
五月十九日廊延路經畧安撫使李承之言延州新修  
寧和橋乞依舊存留若解拆後遇大水颶凌吹失更不  
添修依舊置渡從之 元豐二年十二月二十五日詔  
改開遠門外浮橋單賜知將作監吳處厚銀絹及使臣  
吏人有差 五年八月七日詔應諸處廣濟橋道並隸  
都水監 二十四日前河北轉運副使周革言熙寧中  
外都中監丞程昉於滹沱河中渡繫浮橋比舊增費數  
倍乞罷之權用船渡從之 六年八月十一日賜河中  
府度僧牒二伯八十修浮橋堤岸 七年七月二十二  
日滑州言齊賈下掃河水漲壞浮橋詔范子淵相度以

聞後范子淵言相度滑州浮橋移次州西兩岸相距四百六十一步南岸高崖地雜膠淤比舊橋增長三十六步半詔子淵與京西河北轉運司滑州同措置修築哲宗紹聖二年六月三日詳定重修勅令所申明黃河浮橋禁揭榜於兩岸徽宗大觀三年正月二十九日詔應係橋渡官為如法修整今後擅置及將官橋毀壞者徒二年配一千里其官渡橋不修整者杖一百十月七日尚書度支員外郎王革言滑州比年以來修整浮橋所費工力物料萬數浩瀚每歲虜使到河或不及事或僅能了當致一一上煩朝廷措置乞詔都水監與滑州通利軍當職官於沿流上下從長相視同狀指定

可以繫橋去處權暫繫橋水漲輒拆以備後用或令河  
北京西路轉運司相度增五宿頓使虜使由孟津趨關  
下俟其辦集檢會元豐四年因避冀州濟渡改路詔  
旨施行實為長久之利詔令京西河北路轉運司檢  
會案例年分及所經由京西道路增添相度有無害程  
頓去處聞奏政和四年八月十日京西路計度都轉  
運使宋昇奏河南府天津橋依倣趙州石橋修砌令勒  
都壕寨官董士輓彩畫到天津橋作三等樣製修砌圖  
本一冊進呈詔依第二橋樣修建許於新收稅錢內支  
撥糧米本司應辦仍不立名行遣仍詔孟昌齡同宋昇  
措置其後宋昇奏西京端門前考唐洛陽圖舊有四橋

曰穀水曰黃道在天津橋之北曰重津在天津橋之南  
並為疏導洛水夏秋泛漲歲月寢久及自經壞橋之後  
悉皆湮沒今看詳見修天津橋居河之中除穀水已與  
洛河合為一流外其南北理當亦治二橋以分其勢蓋  
不如是則兩馬頭雖用石段砌壘兩岸之水束入橋下  
發洩不快則兩馬不無決溢之患又橋之上十里有石  
堰曰分洛自唐以來引水入小河東南流入于伊聞之  
耆舊每暴漲則分減其勢若今來修建大津橋而不治  
分洛堰不能保其無虞臣前項所乞止是天津一橋今  
欲如舊制添修重津並黃道橋及置分洛堰增梁以疏  
其流於下作堰以分其勢於上實為永久之利從之



十一月二日都水使者孟昌齡言近承尚書省劄子滑州浮橋今歲已經漲水不曾解卸未見比每歲係橋計使若干工料錢數及今歲不曾解拆計減省數目昌齡契勘到政和元年兵士一萬餘工錢七萬餘貫政和二年兵士三萬餘工錢八萬餘貫政和三年兵士四萬工錢七萬餘貫今歲不曾解拆將前項三年折計減省兵士八萬一千餘工錢二十二萬八千餘貫今具保守過今歲夏秋漲水不曾解拆官吏職位姓名詔昌齡萬仲友及三等官吏作頭壕寨轉官支賜有差 二十二日都水使者孟昌齡言請於通利軍依大佐等山徙紫浮橋其地勢下可以成河倚山可為馬頭入有中渾正如

河陽長久之利從之 五年六月二十九日詔居山至  
大伾山浮橋賜名天成橋大伾山至汶子山浮橋賜名  
榮充橋續詔改榮充橋曰聖功橋 十一月十七日尚  
書工部侍郎孟昌齡言三山水橋萬年等新堤前後役  
事並各已成功然大河非他水之比或漲或落掠岸衝  
激勢不可測緩急若須令臣出入照管即待班次朝辭  
萬一恐失期會欲權依都水監官出入條例逐急出門  
只具奏聞及申牒逐處官司庶免臨時誤事從之 六  
年正月一日提舉三山天成橋河事孟擴言契勘橋司  
道舊兩指揮額計一千人今來兩橋四馬頭窠占并差  
定看船守宿之人及祇補打凌整橋通用人甚多即目

尚闕人數招填不足蓋因招軍例物與黃河掃兵多寡  
不同是致少人投充欲乞將橋道司招軍例物與黃河  
掃一般支給從之 七月二十日提舉三山天成橋河  
等司狀據管勾天成聖功橋武節郎寇茂孫狀本橋近  
承朝旨添置人兵馬頭作兩指揮已招到并舊管人兵  
合行分撥於兩馬頭未審稱呼為南北馬頭橋道為復  
以第一第二指揮為名本司今相度欲將天成橋東馬  
頭作橋道第一指揮西馬頭作橋道第二指揮從之  
二十四日詔三山浮橋萬世永賴造言者終未革心可  
令都水監與當職官夙夜常切固護如何流向著或淺  
濶即行疏濬一有缺溢並依舊法當行處斬若或造言

振動以感衆請可立賞錢一千貫許人告捕其增修堤  
道開分水河依圖相度具工料以聞 七年五月二十  
七日詔青州上水城南洋二橋久廢不治昨降指揮修  
整不及一季遂見成功控扼海道增固守禦委有勞績  
帥臣崔真躬令學士院降詔獎諭所委計置監修部役  
官等令直躬具功力等第保明聞奏取旨推恩 八年  
四月二十二日詔開礪州界淺橋閘道路二百八十餘  
里修治未至如法行路惴恐見管兵級數少分布鋪地  
不足仰本路帥臣差官同本州當職官相度措置具事  
狀聞奏仍屬縣巡尉并巡轄馬遞鋪使臣於衙內帶管  
幹橋閘四字本州通判上下半年遍察別路有棧閘處

准此 宣和元年五月二十五日臣察言永興軍界澁水河并瀾海每經大雨山水合併兩河泛漲別無橋路及水勢稍息往往病涉多傷人命乞下陝西路轉運司相度如不可置橋渡即乞以過馬索引路今所屬縣分多差水手救護專委本路漕臣張孝純相度措置聞奏三年八月二十五日詔天成聖功兩橋已奏畢功本處當職官失職與免勘監橋官二員各降兩官都大一員降一官展二年磨勘滑州知通二員各降一官應當官職各展三年磨勘提舉官都大司人吏滑州當行人吏監橋官下軍司橋匠作頭等各科杖一百 四年四月二十四日詔修繫三山橋了畢累經秋河漲水並無疎

虞賜都水使者孟揚以下轉官賜帛有差 光亮皇帝  
紹興三年七月二十二日詔昨緣臨安府申請橋道去  
處居民搭蓋茆草席屋並令拆去其本府並不預定的  
確去處於一二日內了畢却縱令官吏所至搔擾有不  
係當拆去處亦行起動小民不安全感臨安府分析措置  
無法因依即令轉運司體究曾搔擾人戶官吏申尚書  
省如漕臣隱庇朝廷覺察得知亦重寘典憲時為久缺  
雨澤故有  
是壽皇聖帝乾道二年八月二十三日兩浙漕司姜詵  
言吳江長橋南三十三橋塘岸南北十餘里兩岸皆民  
田舊立兩橋對岸各有浦巷歲久橋廢欲再建立旁近  
橋道稀少及對岸無民田者更添造六橋共創為八橋

導泄太湖水徑入吳松江達於海詔別議施行一四年  
十二月十四日詔于臨安府清湖間堰下創木橋一北  
郭稅務北創浮橋一以戶部侍郎曹懷等言三衛諸軍  
赴新置豐儲倉請糧地遠故也先是懷等欲於清湖間  
堰及北過稅務人使厨屋北各創木橋一詔令轉運司  
臨安府營度即而逐司以北郭稅務厨屋北及人使維  
舟之所造橋有妨請更為浮橋故有是命

全唐文

宋會要

浮橋

淳熙十年二月二日詔襄陽府浮橋自來年為始將均  
州合數竹木興減一半其餘並令襄陽府計辦

從知均  
州守臣

也請



全唐文

宋會要 河鎖

太宗太平興國三年正月十五日詔陳州城北蔡河先置鎖筭民舡者罷之先是五代以來藩鎮多便宜從事所征之利咸資於津渡悉私置鎖凡民舡勝百石者稅取其百錢有所載者即倍征之商旅甚苦其事至是陳州以聞遽罷之其後諸州軍河津之所有征者復皆置鎖仁宗天聖三年正月上封者言在京惠民河置上下鎖逐年征利不多擁併般運阻滯物貨致在京薪炭湧貴不益軍民乞罷之詔三司詳定可否三司言大中祥符八年都大提點倉場夏守贇相度於蔡河上

下地名四里橋段家直置鎮至今歲收課利六千餘緡  
廢之非便乞下提點倉場官負常鈐轄監典毋令阻滯  
從之

宋會要 江鎮

徽宗政和元年六月二十四日樞密院奏臣僚上言伏  
見雅州洞門有溪曰禁江並無鎖閉可通舟筏未有關  
防之法欲乞嚴設禁止送成都府利州路鈐轄相度申  
樞密院本司據雅州申洞門寨下禁江一處係屬嚴道  
崇寧兩縣界然舊有鎖水一處從來只置竹棚欄截今  
相度改造截河鐵索兩岸繫縛安置以備晝夜乘舟舡  
作過之人尋行打量得江面闊一十四丈八尺每尺用

熟鐵一斤打造連鎖計用鐵一百四十八斤於南岸山下就山鑿石竅鉄圈鎖纜縛鉄索及更用將軍柱一條副之次岸置華車一座安置鉄索以備水勢高下旋行收放及用鑊一連寨官逐時點檢封索選差人兵看守及碇門寨門下江水岸北舊用木作籬牆今乞以大石堆疊作城用乳頭牆城上置敵棚分那人兵守宿本司相度委是經久可行從之

宋會要

城門鎖

孝宗乾道六年四月七日直敷文閣權發遣臨安府姚憲言府城十八門鎖年深啓閉不謹今造新者十八其分給諸門欲自今月八日施用管鑰關大內鎖匙庫收

掌日休時降付諸門後之